

靈攝七字就念塗之存神入符足下又如此
一般作用發筆每日旦暮鍊將念金光咒崇
奉之

道法會元卷之一百九十七

道法會元卷之一百九十八

浮一

神霄金火天丁大法

五仙之妙在保仙保仙之妙在西臺西臺
之妙在火鈴火鈴之妙在天丁曰火鈴宮
在太陽之下流火之庭丹陽之館赤明之

境是玉清真王神霄大帝主鍊之司左院
有神乃神霄九梵至陽梵炁結成形像或
曰人以封疆為姓神以宮宿為姓天丁乃
張宿六星之炁化為玉神名曰金火天丁
張宿本月鹿月乃太陰清華之炁其神受
太陰清炁結像所以端嚴美相翠髮綠眉
身衣絳服足穿朱陽之履手執帝鐘逆擲
炎火統丹陽火鈴童子四負各持火鈴一
曰金光火鈴玉童二曰玉光火鈴玉童三
曰瑞光火鈴玉童四曰煥光火鈴玉童女
兵九九八十一萬眾受事神霄驅雷役電
巡遊太空天丁諱忠以其字九筆以像九
霄經曰五炁神霄中正之炁中者正也正
炁一合心則天丁合我陽煥月明故名昭
應夫忠曰正正曰誠誠曰信故名天信將

軍玉律曰神霄法有五品一曰天仙二曰
神仙三曰真仙四曰飛仙五曰保仙又曰
神霄之靈保仙為真保仙之真火鈴至神
火鈴之神金火天丁是知金火天丁者總
萬法歸一身也運一心應萬法化一身為

萬神上世宗師尊金火天丁之法為一符
一印至為要道其神可以修身可以鍊魂
可以自附可以勘精可以窺捉可以衛生
可以斷怪可以除瘟可以致雨可以祈晴
可以斷泉脉可以破廟庭神鏡有照惡之
妙寶印能度形飛昇保胎安孕解結催生
先保一身後安家宅然後治鬼神逐邪怪
莫非鍊心而運化也得此法者切宜專一
勿示非人寶之秘之上清大洞法師神霄
上相保真濟物瓊瑤金闕真人陳道一序

主法三師

聖天尊
祖師高上神霄玉清真王長生大帝統天元
玄師高上碧霄上清華王青華大帝尋聲救
苦天尊

真師高上丹霄太清韓王可韓丈人朱陵度
命天尊

將班

三悉丹天威感昭靈感應火府上宮綉衣天
信玉神金火天丁火鈴妙帥昭應真君

天丁姓張名忠翠髮天丁冠美眉玉色滿
月相赤憤紅錦團鳳金花袍紅錦抱肚綠
風帶金鎖子甲玉束帶朱履遍身流火左
執金鐘右仗火劍乘火鸞火鳳或騎火龍
或飛步太空也

火鈴童子四負

火鈴金光童子張道真
火鈴玉光童子張道明
火鈴瑞光童子張道昇
火鈴煥光童子張道常


童子皆綠髮類髻緋衣大袖綠裳朱履左
劍右鈴內有六小鈴變相也

女鈴女兵九九八十一萬眾
女兵皆頂四角花皮笠緋袍金甲汗袴綠
弔鞞長髦執手執戈戟翊衛天丁也

天丁本身玉符


火焰飛 雷霆猛 太微降 其用有
光玉女 大將軍 火大將 逆順云
推擲火車 火輪 火獸 火鳥 火布
飛火前奔 萬乘 千羣 火馬 乾坤

炎火 雷火 火山 風火 太陰
帝君 真人 大將 元君 具火
日精 南極 金火 各仗火劍統禦
炎君 火鈴 天丁 火兵火精大聖
火鈴大神速燒邪鬼永不存形絡絡緋綾
赫赫陽光速降真火攝



右符如役使八卦上各有作用發筆


召符 召法如




玉帥召合品

凡步罡必先藏形不藏謂之尸步

召罡



遣罡



雙手雷局按腎堂步前罡以目上視見東
南狂風大起念

呼神神即應名是都雷王口中吐雷雨吐悉
作雷場一動千里暗二動萬里先三動鬼神
奔散走吾身便是都雷王

雙雷局從夾脊運上耳仍目視上見卯上
雷聲大震却念

吾追攝霹靂火光萬丈吾佩神印飛火馘擊
天火烘地火熾吾驅雷公動霹靂

雙雷局打向前目乃上視見南方電火飛

發却念

吾受天勅驅雷霹靂九天女鎮斬滅跡天

火烘地火熾吾驅雷公動霹靂急急如

丹霄流金火鈴律令

瓊裳騰祥玉華結瑞散爛丹天召集天帥以

今神霄玉清行府焚符開召神霄功曹素女

土地正神疾速到壇有事差役急急如丹霄

流金火鈴律令

召土地 左手辰文
右手戌文

神霄內誥頌下玉京土地聞召速赴壇庭急

急如丹霄流金火鈴律令

召功曹

玄曹王文立功之官主持玉清奏告三天上

帝有勅速見神光急急如丹霄流金火鈴律

令

召素女 左手辰文
右手戌文

神女無形隨想生真精思不息王相來臨傳

吾忱奏上達帝庭急急如丹霄流金火鈴律
令

向伸宣召功曹素女土地等神已沐到壇仰

煩即今傳此信符徑詣

火鈴王司宣召

神霄金火天丁火鈴妙帥部領火鈴童子火

鈴女兵火鈴雷吏下赴法壇聽令差役速去

速來明彰報應疾

丁罡正立念 左手辰文
右手戌文

吾奉神霄勅命高上靈文統領天神地祇祛

邪役神斷怪除兇奸害良民隨時正定善惡

孝逆見吾須分除惡注善傳令頌奔斬瘟收

毒辟非保生天付我職掌握手中一召千里

神兵來應速召速至不得留停天神靈官百

萬天丁金甲使者金火天丁受吾口勅勅召

奉行吾奉神霄玉帝勅召

金火天丁火鈴妙帥速至壇前疾

師剔午文大呵心炁出南方合仍吸入

自己絳宮存張宿六星光燄巳午之間

目一閃六星化為三十六火鈴又一閃

化為三百六十火鈴流金炎熾遍滿天
地却剔寸金斗云

火鈴火鈴辰金火天丁巳緋衣仗劍

速降真形午寸金斗後復自辰至戌左

有一吸右肩隨之仰面見天上一大火

毳炎熾此所謂金生火旺秘訣口受以

舌挂上脘書一火字削出巳又書一火

字削出午又書一火字削出未衝射其

毳混合結形天上火毳忽然不見矣就

呼呵喝運轉雷霆出妙帥在前却念混

合呪曰

兩極火鈴金火天丁辰速離巽宮已來降離

門離烘已烜午熾未此二字號疾降真靈以

心為將以炁為神午吾今混合結化成形午

納之成丹午吐之成神上午天女地已合

德日卯月酉藏輝火急下降與吾合真急急

如丹霄流金火鈴律令

酉文復至午文剔出右手劍訣指引妙帥

駐立爐烟之上以斗蓋之

雷威繞動便驚人

亨靈滑棘救竟攝陽日

向來出合悉已周圓凡遇指揮即祈報應

運雷呪

火輪風急天地通赤內有赤烏飛騰羽翼遍
發火光散滿幽極內外邪鬼盡皆滅跡燒鬼

為灰鍊鬼為汁聞吾燒鬼天丁急急一如神

霄大帝律令通事

火鈴二品呪

雷火真君天信之神統領火部金火天丁火

兵火吏猛火隨身鳴鐘擊鼓飛走火鈴雷火

閃爍風火飛騰照敗邪鬼無路逃形焚燒絕

滅化作微塵急急如律令

雷火真君金火天丁吾今召汝速降真形邪

魔外道毒龍妖精悉皆攝捉祛赴火輪燒滅

為灰萬劫無生急急如律令

召童子女兵

神霄青華太乙火鈴誥命頒下玉真天庭瑤

女宣示萬神咸聽隨吾立至星火奉行急急

如丹霄流金火鈴律令

召崔向二使

青靈青靈火鈴將軍汝受吾權吾召汝形手

執火耀光射三清神劍所指降雷飛霆火車

萬乘遍滿乾坤何神不伏魑魅滅亡風火捷

疾速降壇場謹召

雷霆逆火焚炎使者崔宣噴火腥烟使者向

敵速降速降疾速降別午

存崔宣惡相交脚幘頭黃抹額緋袍金甲

仗火劍足下火燄炎炎巨天

存向敵惡相交脚幘頭緋衣金甲紅抹額

左手辰文右手執火把足下火燄巨天

顧四山四收天罡辰至午取三昧真火上

發霹靂火巳天地火未四山火俱入心混

使出前

王帥出入制邪品

法官應受人投詞治大祟未可輕易便行須

入靖望東南角上存碧玉炁叩齒三通卓印

三下左手辰文右手劍訣又腰如前召土地

功曹素女

具位巨姓某上言蟻蟻微軀愚蒙幻質冒膺

法職忝預仙階激切心忱庸伸口奏臣謹據

入仰勞功曹素女土地採錄丹衷特伸敷奏

主法三師并列派師真天丁諸將恭望妙慈

俯垂洞鑒伏乞流注金光火鈴玉華瑞炁付

臣身中庶令臣神清氣爽心廣體胖德伏雷

吏威制羣魔遣符役將隨願昭通臣干冒粹

嚴下情不勝戰汗之至謹言

法官伏地想功曹素女土地以丹筆玉冊

隨錄心詞駕火雲從空而上見雲霧前開

後合遠望見宮殿皆瓊玉翠碧真王居中

左殿青華大帝皆翠玉鳳凰之閣外有玉

堂一所上書名曰神霄玉省見火師端坐

其中有仙童出入火師接直符素女之

詞奏直至真王玉砌之前敷奏存真王自

瓊玉寶臺座上放萬道玉彩金光自天而

下從頂門入侍衛我身化為真人

炁化成神辰文想我身瑞炁流尸變入玄

神辰文想我身瑞炁流三五化鍊中指中文

五色祥雲辰文想我身瑞炁流昇入九天辰文想我身瑞炁流

天之劫辰文想我身瑞炁流受化更生辰文想我身瑞炁流

得為真人辰文想我身瑞炁流

中指中文復自急急如丹霄流金火鈴律令
紫雲中降矣
作月軍然後召將
非大和不必如此

玉帥衛壇變化屋宅品

離陽之精赫赫炎神化雷火洞保我身貞急
急如丹霄流金火鈴律令

法官想天丁真形符吸入心以鼻引炁書
於空中存見天丁駕九首赤鸞自南方至
北從北至南自東衝西自西衝東滿空霹
靂雷火燒去屋宅次見雲翳濛濛湧出大
山在空中有岩穴洞府即我之居屋化為
大雷火洞中有火師坐壇男存為雷公女
為電母未化為雷匣六畜盡為獅子火龍
金鸞玉鳳四方上下皆為火城矣

法師路遇邪巫品

法官移司出入必先遣將却雙手雷局自腰
間起摩腰想見內腎黑炁兩道衝心自舌尖
出化為流火中有天丁駕九首赤龍吐火直
前至患家即自脾中出黃炁一道化為金橋
金火天丁領兵衛我後存雷公霹靂前驅直
到患家如入患家即雙手運雷局擲入患家

出步陰斗手運子午斗發入想天丁布罩行
捉路逢巫人則以左手心摩額心順三轉而
呪曰

玉勅金光陽晶攝

右呪心念不可出聲想額心為火鏡左右

目射金光兩道洞照三天直射巫人不能
存變即想左右目射金光兩道直衝巫人
以左鼻微引西北炁想見金虬吐火龍獨角也
火鈴照耀巫人心肝如是則妖人魂滅法
不能施若欲滅之則飛奏上帝而治之

玉帥布罩捉邪品



左手運申巳亥至寅卯運斗
名合斗運斗訖復歸寅念二
品呪想為金呂火罩圍滿天
地收歸大炁想鬼在罩內法
師運訣捉之

運訣呪

天雷隱隱支神雷轟轟午龍雷捲水辰水雷
波翻子社令雷火寅霹靂交橫巽神機一變
寅速滅邪精熱大雷大卯雷二寅雷三丑雷四


子雷五至支則到為局
右五指為雷局雙手同運合打向鬼尸去
存火雷文衝大震天丁捉倒禍鬼此名天
雷局又名金火天丁煞文

玉帥懸火鏡制邪品

法官以雄黃書天丁真形符於鏡心懸之病
人帳上以水一盆向床前對照火鏡念天丁
二品呪各九遍布炁鏡上想為火鈴宮闕鎮
住鬼門無敢干犯

玉帥火獄制攝品

建獄於巽方上擇一淨室用新磚結成一層
一尺七寸中三尺七寸驗崇新出有動處或
出血之類捉倒妖邪病者自安罷獄量情罪
決



法官如儀發奏至其日依式建獄齊畢如前

召將呪曰

火鈴火鈴金火天丁緋衣仗劍速見真形急
急如丹霄流金火鈴律令

召將合炁運出並依前法召至焚建獄牒
獻茶酒素祭畢却作用念天丁本身呪化

符書符依本法日日入獄考勘有形影便
是捉倒

念天丁二品呪化獄

雷火真君師中指中文想天信之神直符

向吳宮統領火部領火兵而出天丁金火天丁

師前交指揮而降火兵火吏中指中文存

火隨身存其獄運化火城已就鳴鐘擊鼓

大獄鳴鐘鼓集鬼神飛走火鈴辰文見吏兵

鈴雄單雷火閃爍雲去存雷聲大振風火飛

騰雲至文想烈風照敗神鬼辰文想天

邪無路逃形寅至卯文見天丁坐焚燒絕滅

中指中文一春化作微塵寅至辰文見天

急急如丹霄流金火鈴律令

却以申狀燒畢封固獄門收祭物切忌難

犬猫婦人僧尼見之亦不可日日入獄考

勤有形影便是捉倒先要申火師宗師天
丁 玉帥寶鏡捉魘品

玉帥寶鏡捉魘品

應山魘飛走通靈五通木客忽來忽去諸法
治之無効法官來則去法官去復來者乃莫

大靈通之祟也獨天丁鏡禁能治之須用新

磚淨鏡一箇以雄黃書天丁符貼於鏡底燒

灰藏鏡內以鏡口向患人所卧處頓之將鏡

子照空鏡口法官用香燈供養對鏡口念呪

作用如法

念天丁下品呪

雷火真君寅文肝照自東吸合金火天丁

心悉取出火雲至吾今召汝辰文出心

速降真形口訣擲入鏡

中見天丁女兵盡入邪魔外道卯逆至亥

化爲仙苑宮樹寶林邪魔外道

帝呵五雷史馭龍而入毒龍妖精辰文想赤龍

妖怪吸辰悉皆攝捉辰文想諸將會合

今驅赴火鈴在鏡放光十道布十方澆滅爲

灰自鏡出未文想火雲祥光萬劫无生大熱文

次又飛南斗諱擲入鏡中



魘想丹火魘想黃火魘想火魘想赤
魘想紫魘想火魘想火魘想火
魘想火魘想火魘想火魘想火
魘想火魘想火魘想火魘想火

右作用畢上香祝曰

當職運化鏡駐已獲圓成請天丁嚴裝顯服
鳴金鐘叩玉磬藏形伏影如有大邪不待指

揮便請奔出鏡管攝附患身通吐因依以憑

結解就將邪禍驅出他界立使患人魂魄還

身謹有緋錢甲馬直符仗火焚化用助威靈


祝畢回司立有報應或中夜有雷聲應或邪

人中夜自作考勘束縛之狀或自行供吐來

日發符祭謝回司禮儀只用素食清酒

玉帥保胎催生品

依法書天丁咒符於桃仁之上



書符呪曰

天羅靈官百萬真形變化生分永保長生急如丹霄流金火鈴律令

右卯至午出存肺炁合心炁取東方生炁入符中呪曰

南昌黃華玉眸鍊身十月滿足骨骸已成好生使者韓君丈人司命司錄衛房聖神九天持符監真度生符下五臟急離母身急急如丹霄流金火鈴律令

右劍訣左手拍辰文望巽玉炁再呪曰

如火鈴真監生上穹執符把錄好生韓公五帝破魂三台錄封七元助魄神元輔宗尸鬼辟合本欲鬼窮保持人命殺却邪蹤神符覆護冰光玉容急急如丹霄流金火鈴律令

左手辰文右手午文南炁祝遣呪曰

六甲直符從官符吏保胎護命尸亡邪墜金火天丁收魂護衛女兵來降好生下指男弄天祿女弄青簡符到奉行百邪潛避急急如丹霄流金火鈴律令

右符取桃木心煎湯吞下常用只汲順流水服男左女右持出

玉帥斷泉脉水怪品

泉邪為禍乃蛟蜃之精隱於水泉之間雖

火鈴雷中有伐泉鐵簡今人將為金火天

丁中用大非本法却不知南極火鈴及丹

霄火鈴各分一司玉石相混无有明白其

簡用鐵為之長五寸象五行闊三寸合三

元厚三分應三才用雄黃書天丁符於簡

文上背書呪曰

火鈴炎熾變化八方萬神拱衛永斷不祥急

如丹霄流金火鈴律令

右與火鈴字平寫云謹請

金火天丁火鈴童子火鈴女兵火鈴雷更煥

耀火光告汝泉脉所主神祇仰逼勒泉竭雷

轟妖怪殺滅奉行

年 月 日吉時告下

具職 承誥奉行

却燒香面南作用呪曰

火鈴炎熾西至午發在南方交火之天火變

化八方丁寅文存五方皆有火炎烘烘中有天

萬神拱衛辭文從中出符先所照永斷不

祥神至辰下辰存真玉符萬道祥光入急急如丹霄流金火鈴律令

祝符呪曰

熠烘煥炎焚赫朗星風火雷電攝

天然陽地煞陰萬丈火鈴燒鬼神急急如丹

霄流金火鈴律令

運斗掌圖未念先拍至急急如律令

存符為金蘭丹文洞耀天地呵心

炁射南方見天丁駕赤龍吐烈火

入符日午令童子一人身著白布

手執赤龍書丹霄流金火鈴律令

字將符投入水中泉脉立竭

玉帥伐廟滅邪品

法官受詞或行糾察知其邪壇小廟為禍欲

治之法無非先奏而後伐或有淺學不奏而

伐廟雖破鬼無所歸則流禍於鄉人此乃法

官移禍於人罪歸法官深犯天戒又有不奏

而伐只白手附體一牒便言結解此只胡亂

以一鬼應名入體結解或鬼黨中途奪去反

重其姦須先奏而後用符伐之始能斷後

伐廟斗丑中卯光

應伐邪廟須奏上帝請降真光關會天丁祭誓頒降上天勅旨然後可伐依式書天丁符於瓦上依法發筆呪訣在後

大帝火鈴存真玉勅天丁駕龍金火天丁存而存奔雷走火騰空存炎火急降存符文金光火而存降奔入符中存鬼營三界見之無路逃形存燒透鬼心存如丹霄流金火鈴律令

書符取廟上陽瓦一片書符至其日令勇猛一人持瓦符入廟中打破使出廟門不得反顧立有雷火焚燒鬼像盡滅

玉帥禱雨救旱品

凡用金火天丁禱雨須三日前發奏神霄中火師宗師天丁至其日建壇如法召天丁驅雷致雨以鐵板書符用青紙封符及用此後呪書在符後亦念此呪



昇壇如法念三淨呪却步罡一句一步

風起巽戶亥雷震九天于雲飛碧落充雨降臨軒中電光閃爍助道飛仙巽急急如丹霄流金火鈴律令

催召天丁呪曰

謹請金火天丁遵依神霄大帝勅旨飛鈴擲火召集龍君即刻昇壇大降甘澤疾



呪曰

勅汝雷神大集想天丁召龍會霹靂震驚存原一聲一聲開吳戶天丁風雷雨電想風起大鈴擲入吳戶雨都神出吳雷出

萬里沸騰存神農厚萬里甘霖推山倒岳存北岳山傾地裂水鬼滅鬼安人想急急如丹霄流金火鈴律令

念畢依式書天丁符發筆向坎大下令口

不住念本即神呪五遍焚一符叱天丁驅龍大降甘雨疾又五遍焚一符叱天丁開震布雲疾又五遍焚一符叱天丁開巽布風疾又五遍焚一符叱天丁開離發電疾又五遍焚一符叱天丁破地戶發雷聲疾又五遍焚一符叱天丁破坎速施大雨疾每一事各步一罡如前五步罡下五下令每一令下念五遍雷神大集呪及眾諷本即呪須要先發奏取報應以紙作卷夜靜對空祝白抽一卷定何日登壇却又以十

二時辰定何時發奏至期方許登壇行事獨此法只用五步罡不用破地召雷罡最有靈驗矣

玉帥寸金願蓋品


凡人家多生灾害破財失喪合行願蓋可保一年平善永無灾害仍要誦經安奉本命先奏神霄北斗申本命牒天丁及帖城隍社令選日建之不用五死空亡日

鐵符



鐵符



蓋式



瓶式



至日如儀供養淨壇行水奏申牒帖先行發遣至期備齋供酒果如法香花上獻步斗請聖召將建立就辰已安之如不用隨年錢只

用三魂七魄錢共十文如法排於緇內如用隨年錢可用紅綸包之右手掐斗訣將三魂七魄錢入符中呪曰

一魄入貪狼子 二魄巨門藏寶

三魄祿存中卯 四魄文曲鄉中

五魄廉貞內辰 六魄武曲當離

七魄破軍位午 三台華蓋方訣

惟有三星并五影 真王有命佩天罡

女人十四魄錢作用訖入瓶

法官捧瓶左手斗印呵炁一口想火鈴火雲

一派豁落結蓋上接神霄頓在巽方想壇為

金階寶地玉殿瓊宮次用蓋辰文擲入中又中

說也 三想北斗三台蓋覆瓶口再飛陰陽

二斗却發雷局火訣想火雲雷火焚燒屋宅

次想為雷洞男為雷兵女為電母孩童為火

鈴童子婦人為火鈴女兵六畜盡化為火獅

火象火龍火鳳滅瓶中却以蓋覆瓶口立榜

告示將吏設案供養或點差帥將或借城隍

嶽兵防護如意指揮

金火天丁大法後序

玉一生苦志奉法經年遍訪高人无法不究始未得金火天丁之要只將火鈴雷中選出天丁一符附以火車腥煙逆火焚炎符行如此則又不是玉神之法又是火鈴雷後人為金火天丁與火鈴本別天丁乃神霄之妙帥後人以其昭靈添入火鈴雷中以號黑靈黑神霄等集為一階如此則又是神霄保仙則又與金火天丁不相干也後深究日夜不忘因覩玉律素書又曰神霄有赤明之館火鈴之宮中有一神即天丁也其神威烈與欵火相並故宗師秘其道火師傳與玉真教主林侍宸林傳與張如晦後傳陳道一下付薛洞真盧君楚次以神霄派脉付徐必大徐亦不得其文盧君化於劔江將解而枕中出其書以付玉法傳盧君而派繼徐君在前所傳此法與人未嘗盡授得之者只天丁一符亦或混以火鈴或雜以保仙如玉行此法未嘗兼二司之文亦未嘗兼別司之將所立靖處只一香一燈終身如一凡有行持非常感應不可盡述謹將平生所用之文遂成一集皆

行之有驗萬不失一上學之士精心而行庶足以稱玉神之功也玉真弟子火鈴仙官會書火鈴司事劉玉序

道法會元卷之一百九十八

道法會元卷之一百九十九

金火天丁神霄三炁火鈴歌

三

混沌赤文太无元始虛皇祖劫初虛皇一炁初无二一炁分三炁始敷三炁因成九霄炁三十六天周列侍中有一天曰清微正屬虛皇神霄治霄南丹天至陽明赤文妙化流火庭虛皇妙帝主鍊所最上宮中扁火鈴火鈴玉宮院之左有一玉神曰金火玉光金耀結成儀三月九日圓道果未有天地有此神王神元是玉真身玉真大羅元始祖淨黎玉清即雙親混元老君稱為叔九億萬天俱統屬天尊天丁一字殊容則皆金相皆玉神靈五炁獨居中五常之中信亦同所以玉神曰天信妙姓曰張名曰忠九筆成忠像九霄姓應後天張月宿綉衣即是五文開那更張星主文秀神霄法品總五仙保仙內有火鈴傳火鈴妙在金火帥一法能該萬法全職高天將亞四聖位在真君證昭應驅雷役電巡太空歛火天君猶聽命軒轅昔日斬蚩尤天降歛火及龐劉四目苟畢錢陳將佐助黃帝定

遐陬玉神時受神霄勅掌握招兵授神職躬持玉篆召萬靈敢有拒命誅霹靂龍漢真武蕩魔精垂赦餘殃後又行穢炁將及上元境玉帝飛符命天丁天丁吸符面嘆血走火飛鈴摧鬼穴風除靈掃化微塵奏凱謝真歸玉闕法中妙用只一符萬變無窮活訣殊玉真密授火鈴帝瑤笈深藏紫炁書流金鳳炁分素紫紫則度生素度死符分三段旨最深貫泥香殊筆硯紙肘後混合靈亦靈祖劫金胎妙合疑火鈴混合時銜逆敢有干試萬剪形或問天丁何處有鈴滿天飛火迸走鈴飛火走起處求便知不在天地後神功收劍寂光音滿湧九霄何處尋有无誠真以相合顯現天丁有赫臨中有告斗及鍊度皆起虛皇金无祖上徹九霄斗九皇中通人身內九符下達九地遍九州混合三才關執抽造化至精至廣大金生火旺妙周流金火火金有順逆雷霆震交搏擊八炎出震雲浪騰隱濕顯燥炎火擲能知混合些妙機流金火鈴隨意飛不知火鈴有混合神離氣散將安歸三炁